

Zeničko-dobojski kanton
Ministarstvo za obrazovanje, nauku, kulturu i sport

INFORMACIJA
o davanju saglasnosti Fakultetu strojarstva i računarstva Sveučilišta u Mostaru
za izvođenje dijela nastave stručnog studija računarstva u Žepču

Zenica, septembar 2012. godine

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj 7/10), razmatrajući Informaciju o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču, Vlada Zeničko-dobojskog kantona, na 80. sjednici, održanoj 19.09.2012. godine, d o n o s i

ZAKLJUČAK

I

Zadužuje se Ministarstvo za obrazovanje, nauku, kulturu i sport da u narednih 15 dana organizuje tematsku konferenciju na temu „Programske smjernice visokog obrazovanju u Zeničko-dobojskom kantonu, sa posebnim osvrtom na utvrđivanje kriterija za osnivanje privatnih fakulteta na području kantona“.

II

Zaključak stupa na snagu danom donošenja.

Broj: 02-_____ /12.

Datum, 19.09.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za obrazovanje, nauku, kulturu i sport,

1x a/a.

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj 7/10), a u vezi sa Zaključkom Vlade Zeničko-dobojskog kantona broj: 02-38-19311/12. od 04.09.2012. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 80. sjednici, održanoj 19.09.2012. godine, d o n o s i

ZAKLJUČAK

o primanju na znanje Informacije o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču

I

Prima se na znanje Informacija o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču.

II

Zaključak stupa na snagu danom donošenja.

Broj: 02-_____ /12.

Datum, 19.09.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za obrazovanje, nauku, kulturu i sport,
1x a/a.

Na osnovu Zaključka Vlade Zeničko-dobojskog kantona broj: 02-38-19311/12 od 04.09.2012. godine, Ministarstvo za obrazovanje, nauku, kulturu i sport je zaduženo da pripremi informaciju o izvođenju dijela nastave stručnog studija računarstva u Žepču, koju uz saglasnost Vlade izvodi Fakultet strojarstva i računarstva Sveučilišta u Mostaru.

Ministarstvu za obrazovanje, nauku, kulturu i sport Zeničko-dobojskog kantona obratio se Fakultet strojarstva i računarstva Sveučilišta u Mostaru dopisom broj: 06-01-495/08 od 06.08.2008. godine. U svom prvom obraćanju Fakultet je informirao Ministarstvo o Sveučilištu u Mostaru i njegovim sastavnicama, na kojima studira veliki broj studenata iz Žepča i okolnih općina. Posebno je bio naglašen povećani interes studenata za trogodišnji stručni studij računarstva, na koji se u prvom i drugom upisnom roku u akademskoj 2008/2009. godini prijavilo 58 studenata sa područja općine Žepče i okoline.

S tim u vezi, Fakultet je predstavio ideju da se dio nastave, koji bi bio realiziran po ztv. blok sistemu, organizira u Žepču. Studenti, koji su formalno-pravno i administrativno studenti Fakulteta u Mostaru, slušali bi predavanja iz najviše dva predmeta, nakon čega bi na Fakultetu u Mostaru obavljali laboratorijske vježbe te polagali ispite.

U dopisu je navedeno da su finansijska sredstva za ovu namjenu obezbijedena iz Programa pomoći Vlade Republike Hrvatske Hrvatima u BiH, kao i da je interes za realizaciju ovog studija izrazila i Općina Žepče te i da je Katolički školski centar „Don Bosco“ voljan ustupiti određeni prostor za ovu namjenu.

Zvanični zahtjev za dobivanje saglasnosti za izvođenje dijela nastave u Žepču za studente sa područja Žepča i okoline u akademskoj 2008/2009. godini, kao prvoj godini studija, upućen je Ministarstvu 09.09.2008. godine.

Uz dopis je priložena sljedeća dokumentacija:

- Opis Studija s Nastavnim planom i programom
- Kopija Izvoda iz Sudskog registra
- Potvrda Ministarstva obrazovanja, znanosti, kulture i športa Hercegovačko-neretvanske županije-kantona o ispunjavanju uvjeta za obavljanje djelatnosti
- Zahtjev Općine Žepče za organiziranje nastave u Žepču
- Suglasnost Općine Žepče
- Suglasnost KŠC „Don Bosko“
- Dopis KŠC „Don Bosko“ o stavljanju prostora na raspolaganje
- Izjava Fakulteta o osiguranim finansijskim sredstvima za izvođenje nastave u Žepču

U dokumentaciji koju je podnosilac zahtjeva dostavio Ministarstvu je i dopis načelnika općine Žepče koji se obratio Fakultetu strojarstva i računarstva Sveučilištu u Mostaru sa inicijativom da se organizira „određeni oblik nastave višeg ili visokog stupnja studija, prije svega računalni, informatički, elektrotehnički ili mehatronički, s obzirom da veliki broj studenata iz Žepča odlazi na studij u Mostar, Sarajevo, Osijek ili Zagreb, te se većina njih ne vraća u Žepče“, uz napomenu da općina Žepče ne može sudjelovati finansijski, ali može osigurati prostor za nastavu.

Ministarstvu je dostavljen i dopis Katoličkog školskog centra „Don Bosco“, upućen Fakultetu strojarstva i računarstva Sveučilišta u Mostaru, u kojem obavještavaju da su u mogućnosti osigurati prostorije s pripadajućom opremom: predavaonicu površine 180m², 30 klupa sa 60 sjedišta, informatičku učionicu površine 54m² sa 16 računara, kao i ured za profesore površine 18m².

Takođe je dostavljena Izjava u kojoj je potpisom dekana Fakulteta i pečatom Sveučilišta u Mostaru potvrđeno da su sredstva za izvođenje dijela nastave u Žepču osigurana u cjelosti za tri akademske godine iz Programa pomoći Vlade Republike Hrvatske Hrvatima u BiH, te da Fakultet neće potraživati nikakva sredstva od Vlade Zeničko-dobojskog kantona (*Izjava u prilogu*).

Na osnovu zahtjeva Fakulteta i dostavljene dokumentacije, Ministarstvo za obrazovanje, nauku, kulturu i sport je izradilo Prijedlog zaključka o davanju saglasnost za izvođenje dijela nastave stručnog studija računarstva Fakulteta strojarstva i računarstva Sveučilišta u Mostaru za akademsku 2008/2009. godinu, kao prvu godinu studija, u čijem obrazloženju je naveden način obezbjeđenja

prostora i sredstava za realizaciju nastave, te naglašeno da za realizaciju zaključka nije potrebno izdvajanje iz Budžeta Kantona.

Vlada Kantona je donijela Zaključak o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču. U tački III navedeno da: „iz realizacije ovog zaključka ne proizilaze nikakve finansijske obaveze za Zeničko-dobojski kanton“ (Zaključak broj: 02-38-32798/08 od 14.10.2008. godine u prilogu).

Sveučilište u Mostaru obratilo se Ministarstvu sa zahtjevom za odobravanje izvođenje dijela nastave stručnog studija računarstva Fakultet strojarstva i računarstva u Žepču i za akademsku 2009/2010. godinu, uz dostavljenu dokumentaciju o osiguranom prostoru i sredstvima za izvođenje dijela nastave, a potvrđeno je i da Fakultet neće potraživati nikakva sredstva od Vlade Zeničko-dobojskog kantona (*u prilogu*).

Vlada Kantona donijela je Zaključak o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave Stručnog studija računarstva u Žepču u akademskoj 2009/2010. godini, kao prvoj i drugoj godini studija (Zaključak broj: 02-38-17761/09 od 01.07.2009. godine u prilogu).

Sveučilište u Mostaru je dostavilo Ministarstvu zahtjev i za akademsku 2010/2011. godinu, na osnovu kojeg je Vlada Kantona donijela **Zaključak o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču i u akademskoj 2010/2011. godini, kao prvoj, drugoj i trećoj godini studija (Zaključak broj: 02-38-17935/10 od 11.06.2010. godine u prilogu).**

U zahtjevu Sveučilišta u Mostaru za akademsku 2011/2012. godinu se navodi da su prostor i sredstva obezbijedjeni, ali nije predviđen upis studenata na prvu godinu studija, tako da je Vlada Kantona donijela **Zaključak o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču za drugu i treću godinu studija (Zaključak broj: 02-38-18362/11 od 07.07.2011. godine u prilogu).**

U skladu sa saglasnostima koje je Vlada Kantona izdavala za prethodne četiri akademske godine, a na osnovu dostavljenog zahtjeva Sveučilišta u Mostaru, donesen je i **Zaključak o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave Stručnog studija računarstva u Žepču u akademskoj 2012/2013. godini, kojim se daje saglasnost samo za treću godinu studija (Zaključak broj: 02-38-15982/12 od 12.07.2012. godine u prilogu).**

MINISTAR

Mirko Trifunović